



Gvaq Cieng

过年

Ndwencieng daengz lo, bouxlaux lwgnyez bouxboux angqangq yangzyangz, ranzranz cungj baet ndaw ranz seuqseuq saksak, daihgya nem doiq nem veh, cang aenranz ndaej gyauegetget, gij nienzhuq doi rim ndaw ranz.

Gwn caeuzndaep le, daengx ranz vunz couh naengh youq naj densigih yawj ndwencieng lenzvanh vanjvei, gij cezmuз ndaw densi gig ndei yawj, miz mbangj cezmuз daeuq dwk daihgya riuahaha. Daengz cibngeih diemj cung, sing bauqreng hwnjdaeu, ranzranz cungj cuengqbauq daeuq soengq bi gaeuq coux bi moq. Mwngez yawj, bouxhung cingq cuengq gak cungj bauqreng, bauqciengh, bauqva. Gyoengq lwgnyez hix mbouj nyinh saw, daihgya comz youq giz ndeu, cuengq bauqbaenq, bauqhabfeiz, bauqienva bouxboux angqfaengfaeng, gvaqyinx dangqmaz.

Ndwencieng coit, gyoengq lwgnyez caeuxcaeux couh hwnqdaeuq caeuq daxgoeng daxbuz daxboh daxmeh baiqnienz, doiq bouxlaux gangj vah gitleih, bouxlaux couh hawj cienz-nyokmaj hawj lwgnyez, maqmuengh lwgnyez maenghcangq majhung.

Gvaq cieng lo, gou youh maj hung bi ndeu lo, gou wnggai engqgya rox saeh lo, gou itdingh roengzrengz doegsaw, engqgya hauqswnh bohme, mbouj hawj bohme saetmuengh. (Dahyen)

Ngeihcib Bi Le Caiq Doxraen

20 年后再相会

环江思恩镇西南小学 黄露露

ngoenzneix dwg gyoengq doengzhag siujyoz doxcomz, gyoengq doengzhag caez youq ranz lauxsae siujyoz raennaj. Miz hauj-lai doengzhag ngeihcib bi mbouj doxraen lo, daihgya bienqndaej baenzlawz yiengh ne?

“Siujdoh, vaiq di lo.” Gou cingq yaek ok dou, couh dingqny miz vunz hemq gou.

Ok dou baez yawj, dwg Siujgiz, de hai aen ci gauhgohgi ndeu, de dwg boux fatmingzgya mizmingz ndeu. De yawjaen gou, sikhaek roengz ci daeu, gaem dawz fwngz gou gangj: “Hai, gyaueyuzgyah Siujdoh, hwnj ci ba,

raeuz itheij bae ranz lauxsae.”

Ci youq gwnz loh hai vaiq lumj mbin nei, yaepda couh daengz ranz lauxsae lo. Lij caengz haeu ranz, dou couh dingqny sing riu lo. Dou vaiq di haeu ranz bae. Yo, boux neix mbouj dwg Siujbinh ha, o, boux neix dwg Siujhoengz, boux haenx dwg Siujgen..... daihgya cungj daeu lo! Yienznaeuz ngeihcib bi le cij caiq doxraen, yienghceij bienq haujai lo, hoeng gij yienghceij seizcoz lij miz bw, daihgya cungj lij nyinh ndaej ok. Siujbinh seizneix dwg boux cozgyah, Siujhoengz dwg gohyozgyah, Siuj-

gen dwg boux ciengqgo, Siujmingz caeuq gou ityiengh dwg gyaueyuzgyah.....

Daihgya humx youq henx ndang lauxsae, lauxsae yienz-naeuz bienq laux lo, hoeng lij gig cingsaenz, de naj riunyumj caeuq daihgya gangj gij saeh seiziq, dingq daihgya gangj ngeihcib bi daeu guh gij saeh haenx, gyoengq doengzhag bouxboux angqyauvau, lwnhgangj gij goj shwgeij.....

Doeklaeng, daihgya itheij ciengq diuz go 《Ngeihcib Bi Le Caiq Doxcomz》. Daihgya doxiex ngeihcib bi le caiq doxraen.

(指导老师:罗少维)

Ngoenz singhgiz banringz gvaq, gou youq ndaw ranz mbouj miz gijmaz saeh guh, sawqmwh yawjaen youq ndaw bakcauq miz byaekheu caengz swiq. Gou naemj: Danghnaeuz gou dawz gij byaekheu neix swiq seuq bae, daxmeh couh noix sinhoj di lo.

Gangj guh couh guh, gou dawz swxbyaek cuengq youq henx sui lungzdouz, dawz aen buenx swiq byaek cuengq youq laj sui lungzdouz bae, yienzhaeu vid genbuh hwnj. Gou hag gij yiengh daxmeh bingzseiz swiq byaek haenx bae swiq byaek. Gou sien yungh song fwngz dawz byaek baenz mbaw baenz mbaw bok roengzdaeu, caiq menhmenh youq ndaw raemx nu gij uq gwnz byaek bae, baez mbaw baez mbaw swiq seuq. Cingq swiq dwk, gou lumh daengz yiengh doxgaiq unqnemnem he. Fwngz gou lumj

Swiq Byaek

洗菜

贵港市覃塘区蒙公乡凌寺小学五(1)班 邓丽群



deng daemj dienh nei suk dauqma. Gou baez yawj, yienzlaiz dwg duz nonheu hung ndeu youq gwnz mbawbyaek. Gou ganjgip

dawz mbaw byaek miz non haenx vut bae. Gou yawj mbaw byaek deng gou vut bae haenx, siengj daengz daxmeh doenghbaez swiq byaek, mbouj rox bungqdaengz geijlai duz non lo, danhseih daxmeh cungj mbouj lau, menhmenh dawz duznon vut bae, caiq dawz mbaw byaek haenx swiq seuq. Naemj daengz neix, gou couh cengi mbei bae gip aeu mbaw byaek deng gou vut haenx, dawz duznon vut bae caiq daemh duznon dai bae. Yienznaeuz gou lau dwk naengnoh cungj hwnj naenggaeq lo, danhseih gou lumj dwk hingz baez ciengq he nei, angq dwk doq ciengq go doq swiq byaek lo.

Yawj gij byaek gou swiq seuq haenx, gou riu lo. Gou rox swiq byaek lo, gou ndaej bang daxmeh guh di hong lo.

(指导教师:韦龙)

Roeggyaeujhau maj ndaej gyaue-ndei raixcaix, sing goksak, hix gig coengmingz, danghnaeuz nyinhcaen bae hag bae guh, mbouj lau guh mbouj baenz, hoeng, de gik lai, ngoenznaengz cij haengj guhcaemz guh'angq.

Ngoenz ndeu haetcaeux, roeggyaeujhau caengz ninz hwnq couh dingqny dai gyangmbwn cienz daeu singgo ndei dingq. Yienzlaiz dwg roegvenz canghfwen! Yawj, gij bwn roegvenz lumj aen mauh nei, geijlai lengj, aenbak de soemset ajaj haephaep, gij sing go ndeidingq laebdaeb danh ok bak daeu, hawj vunz dingq ndaej cungj maez bae. Roeggyaeujhau boiqfug dangqmaz, hozhaenz raixcaix, de hix siengj guh boux canghfwen ndeu.

Roeggyaeujhau riengjret mbin gvaqbae baiq roegvenz guh lauxsae. Roegvenz naeuz: “Yawj mwngez maj ndaej baenzneix gyaunde, sing goksaksak, cingq ngamj guh boux canghfwen ndeu ne!” Gangj gvaq couh son roeggyaeujhau lienh ciengq go.

Ngamq hainduj, roeggyaeujhau lij gig nyinhcaen, hoeng, cij gvaq song sam ngoenz, de couh dingj mbouj

Roeggyaeujhau Ienqhoij Lo

白头翁后悔了

ndaej lo. Aenvih roegvenz lauxsae gangj, itdingh aeu ngoenzngoenz hwnq caeux lienh sing. De yiemz sinhoj lai, mbouj siengj hag ciengqgo lo, couh caengdot lizhai roegvenz lo.

Roeggyaeujhau gig siengj canglengj, de yawjaen roegmauh dawz bwngyaeuj roi ndaej lumj aen mauh sang ndeu lengjilili, roegciu rox veh doz, caemhcai dawz bwnda veh ndaej youh gungj youh raez gig ndei yawj, de hix siengj haghag canglengj, haghag veh doz. Hoeng, roegmauh naeuz moix ngoenz haethaemh cungj aeu nyinhcaen roi bwn guh fazhingz, lij aeu caemcingx gaej luenh doengh, banhwnz ninz le hix aeu haeujsim, mbouj hawj bwngyaeuj luenh. Roegciu hix gangj, veh bwnda veh doz cungj aeu naihsim haeujsim, lij aeu moix ngoenz gaem bit daeu lienh veh cij ndaej. Roeggyaeujhau baez raen

gyoengq roeg bae guhcaemz guh'angq, couh hozhaenz nyaebnyaeb, baenzlawz lij hag ndaej canglengj, engq mbouj yungh dwen veh doz lo.

Roeggyaeujhau youh raen roeg-gacak caux rongz, de nyinhnaeuz hag rox caux rongz haemq miz yungh, couh buet bae caeuq roeggacak hag caux rongz. Roeggacak gangj: “Caux rongz aeu gwn ndaej hoj, mwngez dingj ndaej lwi?” “Gou itdingh dingj roengzbae!” Roeggyaeujhau han ndaej genggywt-gywt. Yienghneix, roeggyaeujhau couh caeuq roeggacak guhdoi mbin bae giz gya gamz nyefaex haznyangj caeuq namhniu ma. Baenzneix cib ngoenz gvaqbae le, lij caengz guh ndaej aen rongz ndeu. Roeggyaeujhau baeg lo, mbouj naihfanz lo, youh ndek aen rongz yaek guh baenz haenx mbin deuz lo.

Roeggyaeujhau laux lo, bwn



cungj hau lo, lij gienh saeh ndeu hix guh mbouj baenz, de gig ienqhoij. Seiz de miz roeglwg, couh hixnaengz youq gwnz gyauej lwg de louz nyaeb bwn hau ndeu daeu daezsing lwg de geiq maenh: Seiziq aeu gaenx di, mboujne hung le couh gijmaz cungj guh mbouj baenz.

(Ganh Sozywnz/甘说文)